

„Žemaičių žemė“, 1944 m. gegužės 20 d.

Užsėjimė tarnā

Vėins apikvailis puons bova kažėn kamė gėrdiejė, ka žmuogou, nuorint kap reikint gīventė, būtėnā rėk turietė mažiūsė do tarno. Vuo ka anuo parteklios lėda anam šastuotėis, ta ons i nusėsomdė; i ne vėina, bet abodo. Vuo darba pas anou kamė rasi. Vadėnas, ons muokiejė tīms tarnams už nieka nedėrbėma. Todo džiaugas kvaili radosio.

Vėna dėina tas mulkis iš sava kombarė, duris atėdarės, šauk:

- Ėi, Petrā, kamė esi?
- Šės atsėlėipė:
- Čė pat.
- Vuo kon dirbi?
- Nieka, puonali.
- Šauk ontrūji:
- Juonā, vuo ar esi čė pat?
- Jė, eso.
- Kon to dirbi?
- Ar aš?
- Jė jė, to to.
- Aš Petrou padedo.
- No gerā, gerā. Vuo kāp jodo pabėngsėtau, tad atėkėtau padoutė mon batus.

Ožrašė Ontė Joudėikis iš Žemaitiu Kalvarėjės Šašātiu suoduos

Cėguona bėtės

– Dėiva bėtėlės, dėiva medos. Mona tievs bova bėtėninks ė aš būsio bėtėninks.

Vuo ka bėtės ikonda, cėguons pradiejė šauktė:

- Velnė bėtės, velnė medos! Nė mona tievs bova bėtėninks, nė aš aš būsio bėtėninks.

Židā

Žids važiou par mėška dėdėlė lermoudams, šaukuodams ė sotink žondara. Žondars klaus:

- Kas čė važiou?
- Židā, – atsėlėipė.
- Vu o kėik jūsa čė ėr?
- Aš vėns pats.
- A tori pasporta?



Pavasaris . Bonifaco Vengalio nuotrauka

– Ne, – saka žids, kam mon tas pasports, je aš pats čė eso.

Paskou žondars klaus:

- Vo dielkuo to lermouji?
- Kas razbaininkā monės naužnėktu – kad mislītu, jog čė daug važiou.

„Žemaičių žemė“, 1943 m. lapkričio 27, nr. 46(127)

Mona arklīs

Mona arklīs dėdėlė brongos. Sakau, kāp mona arklīs ka ėr, rėk tuokė paėiškuotė. Tas ėr ne arklīs, vuo žaibs. Tiktā pamėslīk: ka mes sokrėtuom šėšė i nuliekim i Sėda, mona arklīs šėlta plauka nematė. Vo, sakau, nuliekim mes cielė šėšė – aš i pėnkė gaidė...

Davatkas grieks

Davatka džiaugas:

- Diekou Dievou, sogriešėjau, jau galėso eitė velikėnės. Vėšta, mona baltuojė vėštelė, pašuoka ont truobuos, vuo aš sakau: „Štiš to, cėguonė“, vo ana balta...

Mama

Torgou mergelė atsėlėka nu muotinas. Ana laksta ėiškuodama sava mamītės. Žmuonės klaus:

- Kuoki bova tava mama?
- Argi jūs nežėnuot? Mona mama apdrėskosi, terbaliems apsėkarstiosi, bet ož vėsas geresnė.